





第六〇九册

四庫全書

●上海古籍出版社

本冊目次

西漢會要
東漢會要
漢制考

宋徐天麟撰……………一
宋徐天麟撰……………四四九
宋王應麟撰……………七七九

欽定四庫全書

史部十三

西漢會要

政書類一 通制之屬

提要

臣等謹案西漢會要七十卷宋徐天麟撰天麟字仲祥臨江人開禧元年進士調撫州教授歷武學博士通判惠潭二州權知英德府事蹟附見宋史徐夢莘傳稱天麟為通直郎得之之子夢莘之從子晁公武讀書志則

欽定四庫全書

西漢會要

詳校官編修臣范來宗
編修臣程嘉謨覆勘

總校官知縣臣楊懋珩

校對官編修臣盧遂

謄錄監生臣李國興

稱為夢莘之子考樓鑰攻媿集有西漢會要序曰徐思叔為左氏國記其兄秘閣商老為北盟錄已而思叔之子孟堅著漢官考次子仲祥又作漢會要商老夢莘之字思叔得之之字也然則史不悞而晁氏悞矣其書仿唐會要之體取漢書所載制度典章見於紀志表傳者以類相從分門編載其無可隸者亦依蘇冕舊例以雜錄附之分十有五門共三

欽定四庫全書

西洋會要

二

百六十七事嘉定四年具表進之於朝有旨
付尚書省藏之祕閣班固書最稱博瞻於一
代禮樂刑政悉綜括其大端而理密文繁驟
難得其體要天麟為之區分別白經緯本末
一一犁然其詮次極為精審惟所採祇據本
史故于漢制之見於他書者繁不採掇未免
失之於隘又如輿服門中于司馬相如揚雄
諸賦鋪張揚厲之語一舉摘入殊非事實亦

為有乖義例然其貫串詳洽實未有能過之
者昔人稱顏師古為漢書功臣若天麟者固
亦無媿斯目矣乾隆四十四年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

西漢會要卷一

宋 徐天麟 撰

帝系一

帝號

豐公太上皇父也春秋晉史蔡墨有言陶唐氏既衰其
後有劉累學擾龍事孔甲范氏其後也而大夫范宣子
亦曰祖自虞以上為陶唐氏在夏為御龍氏在商為承

欽定四庫全書

西漢會要

一

韋氏在周為唐杜氏晉主夏盟為范氏范氏為晉士師
魯文公世奔秦後歸於晉其處者為劉氏劉向云戰國
時劉氏自秦獲於魏秦滅魏遷大梁都于豐故周市說
雍齒曰豐故梁徙也是以頌高祖云漢帝本系出自唐
帝降及于周在秦作劉涉魏而東遂為豐公豐公蓋太
上皇父其遷曰淺墳墓在豐縣焉及高祖即位置祠祝
官則有秦晉梁荆之巫世祠天地綴之以祀豈不信哉
由是推之漢承堯運德祚已盛斷蛇著符旗幟上赤協

于火德自然之應得天統矣紀贊

太上皇高帝父太公也漢六年夏五月詔曰人之至親

莫親於父子故父有天下傳歸於子子有天下尊歸於

父此人道之極也前日天下大亂兵革並起萬民苦殃

朕親被堅執銳自帥士卒犯危難平暴亂立諸侯偃兵

息民天下大安此皆太公之教訓也諸王通侯將軍羣

卿大夫已尊朕為皇帝而太公未有號今上尊太公曰

太上皇十年秋七月太上皇崩葬萬年紀

太祖高皇帝字季諱邦之字曰國沛豐邑中陽里人姓劉氏後追尊曰昭

靈后高祖為人隆準而龍顏美鬚髯左股有七十二

黑子寬仁愛人意豁如也及壯試吏為泗上亭長秦二

世元年立為沛公漢元年立為漢王五年二月甲午即

皇帝位于汜水之陽十二年夏四月甲辰帝崩于長樂

宮五月丙寅葬長陵羣臣曰帝起細微撥亂世反之正

平定天下為漢太祖功最高上尊號曰高皇帝著紀十

五十益功高特起名

丞相相國蕭何

大尉盧綰 周勃

御史大夫周苛 周昌 趙堯

孝惠皇帝諱盈字曰滿高祖太子也母曰呂帝年五歲高祖

初為漢王二年立為太子五年為皇太子十二年四月

高祖崩五月丙寅即皇帝位明年改元七年秋八月戊

寅帝崩于未央宮九月辛丑葬安陵著紀七年諡恭質

欽定四庫全書

相國蕭何 曹參

右丞相王陵

左丞相陳平

太尉周勃

御史大夫趙堯

高皇后呂氏諱雉字曰野雞父單父人呂公好相人見高祖狀

貌因重敬之呂公曰臣少好相人相人多矣無如季相

願季自愛臣有息女願為箕帚妾呂媼怒呂公曰公始

常欲奇此女與貴人沛令善公求之不與何自妄許與

劉季呂公曰此非兒女子所知卒與高祖生孝惠帝魯

元公主高帝五年尊王后曰皇后惠帝即位尊為皇太

后太后立帝姊魯元公主女為皇后無子取後宮美人

子名之以為太子惠帝崩太子立為皇帝年幼太后臨

朝稱制四年少帝自知非皇后子出怨言皇太后幽之

永巷五月丙辰立常山王弘為皇帝八年七月辛巳皇

太后崩于未央宮既誅諸呂大臣相與陰謀以為少帝

欽定四庫全書

及三弟為王者皆非孝惠子復共誅之著紀八年

太傅王陵 審食其

右丞相陳平

左丞相審食其

御史大夫任敖 曹窋 張蒼

太宗孝文皇帝諱恆字 曰常高祖中子也母曰 薄姬高祖十一年

立為代王十七年秋高后崩張晏曰代王 十七年也大臣迎代王

入代邸羣臣從至上議曰丞相陳平等再拜言大王足

下子弘等皆非孝惠皇帝子不當奉宗廟大王高皇帝

子宜為嗣願大王即天子位代王西鄉遜者三南鄉遜

者再丞相平等奉天子璽符再拜上代王遂即天子位

後七年夏六月己亥帝崩于未央宮乙巳葬霸陵著紀 二十

三年壽四十六孝景元年申屠嘉等奏德莫盛於孝文皇帝宜

為帝者太宗之廟制曰可諡惠愛 民曰文

改元前十六年 後七年

丞相陳平 周勃 灌嬰 張蒼 申屠嘉

欽定四庫全書

太尉灌嬰

御史大夫張蒼 馮敬 申屠嘉 陶青

孝景皇帝諱啟字 曰開文帝太子也母曰竇 皇后文帝元年正月

立為皇太子後七年六月文帝崩丁未即皇帝位後三

年正月甲子帝崩于未央宮二月癸酉葬陽陵著紀十 六年壽

四十諡布議行 剛曰景

改元前七年 中六年 後三年

丞相申屠嘉 陶青 周亞夫 劉舍 衛綰

太尉周亞夫

御史大夫陶青 晁錯 介 劉舍 衛綰

世宗孝武皇帝諱徹字景帝中子也 母曰王美人 年四歲立

為膠東王七歲為皇太子十六歲後三年正月景帝崩

甲子太子即皇帝位後元二年二月丁卯帝崩于五柞

宮三月甲申葬茂陵著紀五十四年壽七十一 孝宣本始二年詔尊

孝武廟為世廟 諡威彊毅 德曰武

年號建元六年 元光六年 元朔六年 元狩六年 元封六年 元鼎六年 元初四年 天漢四年

欽定四庫全書西漢書卷一 太始二年 征和四年 後元二年 共著紀五十四年壽七十一

丞相寶慶 許昌 田蚡 薛澤 公孫弘 李蔡 嚴青翟 趙周 石慶 公孫賀 劉屈氂

田千秋

太尉田蚡

大司馬衛青 霍去病 霍光

御史大夫牛抵 趙綰 嚴青翟 韓安國 張敖 張敖 石慶 公孫弘 江橋孫 李蔡 張蒼 石慶 卜式 兒寬 廷廣 桑弘羊 王卿 杜周

孝昭皇帝諱弗陵後止 武帝少子也 母曰趙婕妤 武帝後元

二年二月立為皇太子年八歲以侍中奉車都尉霍光

為大司馬大將軍受遺詔輔少主明日武帝崩戊辰太子即皇帝位元鳳四年帝加元服元平元年夏四月癸未帝崩于未央宮六月壬申葬平陵著紀十三年壽二十一 諡聖

周達 年號始元六年 元鳳六年 元平一年 丞相田千秋 王訢 楊敞 蔡義 大司馬霍光 欽定四庫全書西漢書卷一 御史大夫桑弘羊 王訢 楊敞 蔡義 田廣明 中宗孝宣皇帝諱詢字武帝曾孫戾太子孫也太子納史良娣生史皇孫皇孫納王夫人生宣帝號曰皇曾孫生數月遭巫蠱事太子良娣皇孫王夫人皆遇害曾孫雖在襁褓猶坐收繫郡邸獄邸吉為廷尉監曾孫賴吉得全因遭大赦有詔掖庭養視上屬籍宗正元平元年四月昭帝崩無嗣大將軍霍光請皇后召昌邑王六月王受皇帝璽綬癸巳光奏王賀淫亂請廢太后詔曰可

光泰議曰孝武帝曾孫病已潛即名也操行節儉慈仁愛人

可以嗣孝昭皇帝後奏可宗正德至曾孫尚冠里舍洗

沐賜御府衣太僕以輅獵車奉迎曾孫庚申入未央宮

見皇太后封為陽武侯已而羣臣奏上璽綬即皇帝位

元康元年詔更諱詢黃龍元年冬十二月甲戌帝崩于

未央宮著紀二十五初元元年正月辛丑葬杜陵平帝

年始四年尊孝宣廟為中宗諡聖善周

年號本始四年地節四年元康四年神爵四年

欽定四庫全書五鳳四年甘露四年黃龍一年

丞相蔡義韋賢親相丙吉黃霸于定國

大司馬霍光張安世霍禹韓增許延壽

御史大夫周廣明丙吉蕭望之黃霸杜延年

高宗孝元皇帝諡真字宣帝太子也母曰共哀宣帝徵

時生民間年二歲宣帝即位八歲立為太子黃龍元年

十二月宣帝崩癸巳太子即皇帝位竟寧元年夏五月

壬辰帝崩于未央宮秋七月丙戌葬渭陵著紀十六年

平帝元始四年尊為高宗廟諡行義悅民曰元

年號初元五年永光五年建昭五年竟寧一年

丞相于定國韋玄成匡衡

大司馬史高王接許嘉王鳳

御史大夫陳萬年夏禹薛廣德韋成鄭弘

孝成皇帝諡驚之元帝太子也母曰王元帝在太子宮

生甲觀畫堂為世嫡皇孫宣帝愛之字曰太孫年三歲

而宣帝崩元帝即位帝為太子竟寧元年五月元帝崩

六月己未太子即皇帝位綏和二年三月丙戌帝崩于

欽定四庫全書西漢會要

未央宮四月己卯葬延陵著紀二十六諡安民立

年號建始四年河平四年陽朔二年鴻嘉四年

丞相匡衡王商張禹薛宣翟方進孔光

大司馬師舟王鳳王音王商王根王莽

御史大夫張譔尹忠張忠王音于永薛宣

大司空何武師丹

孝哀皇帝諡欣之元帝庶孫定陶恭王子也母曰年三

歲嗣立為王元延五年立為皇太子綏和二年三月成

帝崩四月丙午太子即皇帝位元壽二年六月戊午帝

崩于未央宮秋九月壬寅葬義陵著紀六年諡恭仁短壽二十六折曰哀

年號建平四年元壽二年

大傅孔光

丞相孔光朱博平當

大司徒馬宮

大司馬傅喜王莽丁明王嘉傅晏韋實董賢

大司空朱博彭宣王崇

欽定四庫全書

御史大夫朱博孔光趙元平當王嘉王崇賈延

孝平皇帝諱衍字元帝庶孫中山孝王子也母曰衛姬年三

歲嗣立為王元壽二年六月哀帝崩太皇太后遣車騎

將軍王舜大鴻臚左咸使持節迎中山王九月辛酉中

山王即皇帝位帝年九歲太皇太后臨朝大司馬莽秉

政百官總已以聽於莽元始二年更名平帝本名箕子今更名衍告

祠高廟五年十二月丙午帝崩于未央宮漢注云帝春秋益壯以母

衛太后故怨不悅莽自知益疎策弑之有司議曰禮臣

謀由是生圖到臘日置酒藥中弑帝

不殤君皇帝年十有四歲宜以禮斂加元服奏可葬康

陵著紀五年諡布網治壽十有四紀曰平

年號元始五年

太師孔光

太傅王莽

太保王舜

大司徒馬宮平晏

大司空王崇甄豐

欽定四庫全書

西漢會要

西漢會要卷一

欽定四庫全書

西漢會要卷二

宋 徐天麟 撰

帝系二

太皇太后皇太后皇后

漢興因秦之稱號帝母稱皇太后祖母稱太皇太后適稱皇后妾皆稱夫人 外戚傳

昭靈后高祖母媼也嘗息大澤之陂夢與神遇是時雷

欽定四庫全書

西漢會要
卷二

電晦冥太公往視則見蛟龍於上已而有娠遂產高祖

高祖即位追尊母媼為昭靈夫人

漢儀注云高祖母黃起時死小黃北後葬

於小黃作陵廟 吕后七年尊曰昭靈后

以本紀修

高祖吕皇后 見帝號

高祖薄姬生文帝年八歲立為代王出從子之代為代

太后文帝即位尊太后為皇太后孝景即位尊為太皇

太后前二年崩葬南陵

以外戚傳及本紀修下同

孝惠張皇后宣平侯敖尚帝姊魯元公主有女惠帝即

位吕太后欲為重親以公主女配帝為皇后吕太后崩廢處北宮孝文後元年薨葬安陵不起墳

孝文竇皇后景帝母也吕太后時以良家子選入宮太

后出宮人以賜諸王各五人誤置籍代伍中代王獨幸

竇姬生景帝文帝立數月公卿請立太子而竇姬男最

長立為太子而竇姬為皇后景帝即位尊為皇太后建

元六年崩合葬霸陵

孝景薄皇后孝文薄太后家女也景帝為太子時薄太

欽定四庫全書

西漢會要
卷二

后取以為太子妃景帝立立薄妃為皇后無子立六年

薄太后崩皇后廢廢後四年薨葬長安城東平望亭南

孝景王皇后武帝母也嫁為金王孫婦生一女矣母臧

兒卜筮曰兩女當貴欲倚兩女奪金氏納太子宮生三

女一男男方在身時王夫人夢日入其懷以告太子太

子曰此貴兆也未生而文帝崩景帝即位王夫人生男

會薄皇后廢立王夫人為皇后立九年景帝崩武帝即

位為皇太后元朔三年崩合葬陽陵

孝武陳皇后長公主嫖女也

嫖實太
后女也

初武帝得立為太

子長主有力取主女為妃及帝即位立為皇后元光五

年賜皇后策曰皇后失序惑於巫祝不可以承天命其

上璽綬罷退居長門宮後數年薨葬霸陵郎官亭東

孝武衛皇后字子夫為平陽主謳者武帝被霸上還過

平陽主既飲謳者進帝獨說子夫主因奏送入宮元朔

元年生男據遂立為皇后皇后立七年而男立為太子

衛后立三十八年巫蠱事起皇后自殺宣帝立乃改葬

欽定四庫全書

西漢書

三

諡曰思后置園邑三百家長丞周衛奉守焉

孝武趙婕妤昭帝母也武帝巡狩過河間望氣者言此

有奇女天子亟使使召之既至女兩手皆拳上自披之

手即時伸由是得幸號曰拳夫人進為婕妤居鉤弋宮

大有寵生昭帝號鉤弋子任身四月乃生上曰聞昔

堯十四月而生今鉤弋亦然迺命其所生門曰堯母門

婕妤從幸甘泉有過見譴以憂死因葬雲陽後上疾病

乃立鉤弋子為皇太子明日帝崩昭帝即位追尊婕妤

為皇太后發卒二萬人起雲陵邑

孝昭上官皇后祖父榮受武帝遺詔輔少主昭帝初立

年八歲榮子安有女即霍光外孫因帝姊鄂邑蓋長公

主內安女後宮為婕妤月餘遂立為皇后年甫六歲後

榮安謀廢立事發覺宗族既滅皇后以年少不與謀亦

光外孫故得不廢皇后立十歲而昭帝崩后年十四五

云昌邑王即位尊為皇太后宣帝即位為太皇太后凡

立四十七年卒年五十二建昭二年合葬平陵

欽定四庫全書

西漢書

四

宣帝祖母戾后本衛太子史良娣也巫蠱事起遇害宣

帝即位追尊曰戾后

宣帝母悼后本史皇孫王夫人也名翁須生宣帝數月

衛太子敗家人子皆坐誅宣帝即位追尊母王夫人諡

曰悼后與祖母戾后皆改葬起園邑長丞奉守

孝宣許皇后元帝母也父廣漢坐論為鬼新時宣帝養

於掖庭號皇曾孫與廣漢同寺居廣漢有女平君年十

四五當為歐侯氏子婦臨當入歐侯氏子死遂與曾孫

一歲生元帝數月曾孫立為帝平君為婕妤公卿議立皇后大臣白立許婕妤霍光夫人顯欲貴其小女道無從明年許皇后當娠顯使女醫淳于衍以附子并合大醫大丸以飲皇后有頃曰我頭岑岑也藥中得無有毒遂崩諡曰恭哀皇后葬杜南是為杜陵南園

孝宣霍皇后大司馬大將軍博陸侯光女也母顯既使淳于衍陰殺許后顯勸光納之果立為皇后立三歲而光薨上立許后男為太子顯恚不食嘔血復教皇后令

欽定四庫全書

西漢書

五

毒太子皇后數召太子賜食阿保輒先嘗之后挾毒不得行後殺許后事顯泄顯與諸壻兄弟謀反發覺皆誅滅后廢處昭臺宮後十二歲徙雲林館乃自殺葬昆吾亭東

孝宣王皇后父奉光宣帝在民間數與奉光會有女十餘歲每當適人所當適輒死宣帝即位召入後宮為婕妤霍皇后廢後上憐許太子蚤失母於是選後宮素謹而無子者遂立王婕妤為皇后令母養太子自為后後

希見無寵封父奉光為成侯立十六年宣帝崩元帝即位為皇太后成帝即位為太皇太后成帝母亦姓王氏故世號太皇太后為成太后凡立四十九年年七十餘永始元年崩合葬杜陵稱東園

孝元王皇后成帝母王莽之姑也五鳳中獻入掖庭宣帝選送太子宮生成帝字大孫宣帝崩太子即位是為元帝立大孫為太子以母王妃為婕妤後三日立為皇后元帝崩太子立是為成帝尊皇后為皇太后哀帝即

欽定四庫全書

西漢書

六

位為太皇太后哀帝崩無子太皇太后以莽為大司馬共立中山王是為平帝平帝年九歲常年被疾太后臨朝委政於莽莽踐祚居攝太后力不能禁及莽即位更命太皇太后為新室文母年八十四建國五年崩合葬渭陵

孝元傅皇后哀帝祖母也少為上官太后才人自元帝為太子得進幸元帝即位立為婕妤生定陶恭王更號昭儀元帝崩傅昭儀隨王歸國稱定陶太后恭王薨子

代為王王母曰丁姬太后躬自養視成帝無繼嗣遂立定陶王為太子哀帝即位尊定陶恭王為恭皇哀帝傳太后為恭皇太后歲餘尊為帝太后丁姬為帝太后後又更帝太后為皇太后稱永信宮帝太后稱中安宮而成帝母太皇太后本稱長信宮成帝趙后為皇太后並四太后各置少府太僕元壽元年崩合葬渭陵稱老元傳皇后云

孝成許皇后大司馬車騎將軍平恩侯嘉女也元帝悼

欽定四庫全書

西漢書

卷二

傷母恭哀后居位日淺而遭霍氏之毒故選嘉女以配

皇太子成帝即位立為皇后是時大將軍鳳用事威權尤盛其後比三年日蝕言事者頗歸咎於鳳矣而永谷等遂著之許氏后姊為媚道祝詛事發覺許后坐廢處昭臺宮後九年賜藥自殺

孝成趙皇后本長安宮人號曰飛燕成帝召入宮大幸有女弟復召入俱為婕妤許后廢乃立婕妤為皇后弟為昭儀姊弟頗寵十餘年卒皆無子成帝崩民間歸罪

趙昭儀皇太后詔治問皇帝起居發病狀昭儀自殺哀帝立尊趙皇后為皇太后哀帝崩王莽白太后貶皇太后為孝成皇后徙居北宮後月餘廢為庶人是日自殺哀帝母丁太后定陶恭王姬也哀帝即位尊恭王為恭哀皇帝丁姬為恭皇后後又更為帝太后建平二年丁太后崩上令起陵恭皇之園哀帝崩王莽秉政使有司奏舉丁傳罪惡貶傳太后號為定陶恭王母丁太后號曰丁姬又奏發恭王母及丁姬冢取其璽綬莽又周棘其處以為世戒云

欽定四庫全書

西漢書

卷二

孝哀傳皇后定陶太后從弟子也哀帝為定陶王時傅太后欲重親取以配王王入為漢太子傅氏女為妃哀帝即位為皇后帝崩王莽白太皇太后廢為庶人自殺孝平王皇后安漢公莽女也平帝即位年九歲成帝母太皇太后稱制而莽秉政欲依霍光故事以女配帝太后不得已而許之明年遣大司徒宮等奉乘輿法駕迎皇后於安漢公第后立歲餘平帝崩莽立子嬰尊皇后

為皇太后莽即真以嬰為定安公改皇太后為定安公太后太后時年十八矣漢兵誅莽自投火中而死

雜錄

皇太后皇后公主所食曰邑

百官表

成帝即位匡衡上疏曰匹配之際生民之始萬福之原婚姻之禮正然後品物遂而天命全孔子論詩以關雎為始言夫上者民之父母后夫人之行不侔乎天地則無以奉神靈之統而理萬物之宜故詩曰窈窕淑女君

欽定四庫全書

西漢書卷三

九

子好速言能致其正淑不貳其操情欲之感無介乎容儀宴私之意不形乎動靜夫然後可以配至尊而為宗廟主此綱紀之首王教之端也自上世以來三代興廢未有不由此者也願陛下詳覽得失盛衰之效以定大基采有德戒聲色近嚴敬遠技能

匡衡傳

自上為太子時以好色聞及即位皇太后詔采良家女杜欽因是說大將軍鳳曰禮臺取九女所以極陽數廣嗣重祖也必鄉舉求窈窕不問華色所以助德理內也

娣姪雖缺不復補所以養壽塞爭也故后妃有正淑之行則繼嗣有賢聖之君制度有威儀之節則人君有壽

考之福廢而不由則女德不厭女德不厭則壽命不究於高年書云或四三年言失欲之生害也男子五十好色未衰婦人四十容貌改前以改前之容侍於未衰之年而不以禮為制則其原不可救而後俸異態後俸異態則正后自疑而支庶有間適之心是以晉獻被納讒之謗申生蒙無罪之辜今聖主富於春秋未有適嗣方

欽定四庫全書

西漢書卷三

十

卿術入學未親后妃之議將軍輔政宜因始初之隆建九女之制詳擇有行義之家求淑女之質母有必聲色音技能為萬世大法夫少戒之在色小弁之作可為寒心唯將軍常以為憂鳳白之太后太后以為故事無有欽復重言詩云殷鑒不遠在夏后氏之世刺戒者至迫近而省聽者常怠忽可不謹哉前言九女略陳其禍福甚可悼懼竊恐將軍不深留意后妃之制天壽治亂存亡之端也迹三代之季世覽宗宣之饗國察近屬之符驗

禍敗曷常不由女德是以佩玉晏鳴關雎歎之知好色之伐性短年離制度之生無厭天下將蒙化凌夷而成俗也故詠淑女幾以配上忠孝之篤仁厚之作也夫君親壽尊國家治安誠臣子之至願所當勉之也易曰正其本萬物理凡事論有疑未可立行者求之往古則典刑無考之來今則吉凶同卒搖易之則民心惑若是者誠難施也今九女之制合於往古無害於今不逆於民心至易行也行之至有福也將軍輔政而不蚤定非天

杜欽傳

河平元年夏四月己亥晦日有食之詔公卿百僚陳過失無有所諱光祿大夫劉向對曰四月交於五月月同孝惠日同孝昭其占惡害繼嗣是時許皇后專寵後宮希得進見中外皆憂上無繼嗣故杜欽谷永及向所對皆及之上於是減省椒房掖庭用度服御輿駕所發諸

宮官府及所造作遺賜外家羣臣妾皆如竟寧以前故事皇后上疏自陳以為時世異制長短相補不出漢制而已纖微之間未必可同若竟寧前與黃龍前豈相放哉家吏不曉今壹受詔如此且使妾搖手不得設妾欲作某屏風張於某所曰故事無有或不能得則必繩妾以詔書矣此誠不可行唯陛下省察故事以特牛嗣大父母戴侯敬侯皆得蒙恩以太牢祠今當率如故事唯陛下哀之今吏甫受詔讀記直豫言使后知之非可復若私府有所取也其萌芽所以約制妾者恐失人理唯陛下深察焉上於是采谷永劉向所言災異咎驗皆在後宮之意以報之且曰吏拘於漢亦安足過蓋矯枉者過直古今同之且財幣之省特牛之祠其於皇后所以扶助德美為華寵也咎根不除災變相襲祖宗且不血食何戴侯也傳不云庫以約失之者鮮審皇后欲從其奢與朕亦當瀆孝武皇帝也如此則甘泉建章可復興矣孝文皇帝朕之師也皇太后皇后成漢也假使太后